

Повѣсть временныхъ лѣтъ

В лѣто 6476. Придоша печенѣзи на Роускоу землю первое, а Свѣтославъ баше Переяславци, и затвориса Волга въ градѣ со оуноуки своими, Ярополкомъ и Ольгомъ и Володимеромъ, въ градѣ Киквѣ. И остоупиша печенѣзи градъ в силѣ велицѣ, бесчислено множество около града, и не бѣ лъзѣ изъ града вылѣсти, ни вѣсти послати; изнемогахоу же людье гладомъ и водою. Собрашеся людье ономъ страны Днѣпра в лодыахъ, об оуноу страну стоахоу, и не бѣ лъзѣ внити в Киевъ ни единомуу ихъ, ни изъ града к онѣмъ. И вѣстоужиша людье въ градѣ и рѣша · Нѣсть ли кого, иже бы моглъ на оуноу страну дойти и реци имъ · аще не подстоупите заоутра, предатиса имамъ печенѣгомъ? И рече единъ отрокъ · Язъ преидоу. И рѣша · Иди. Онъ же изиде изъ града с оуздою, и ристаше сквозѣ печенѣги, глагола · Не видѣ ли коня никтоже? Бѣ бо оумѣла печенѣжьски, и мнахоутъ и своего. И тако приближиса к рѣцѣ, свергъ порты соуноуца въ Днѣпръ и повреде. Видѣвше же печенѣзи, оустремишася на нь, стрѣляюще его, и не моглоша кмоу ничто створити. Они же видѣвше с ономъ страны, и приѣхаша в лодыи противоу кмоу, и взяша и в лодью и привезоша и къ дружинѣ. И рече имъ · Аще не подстоупите заоутра къ городуу, предатиса хотать людье печенѣгомъ. Рече же воевода ихъ, иманемъ Прѣтичь · Подъстоупимъ заоутра в лодыахъ, и попадше княгиню и княжичѣ оумчимъ на сю страну. Аще ли сего не створимъ, погоубити ны имать Свѣтославъ.